



Neviim (prophètes) - Livre de Samuel I

Chapitre 6

- 6,1 ויהי ארון יהוה בשדה פלשתים, שבעה חדשים.
- 6,2 ויקראו פלשתים, לכהנים ולקסמים לאמר, מה נעשה, לארון יהוה: הודענו, במה נשלחנו למקומו. {ס}
- 6,3 ויאמרו, אם משלחים את ארון אלהי ישראל אל תשלחו אתו ריקם--כי השב תשיבו לו, אשם; אז תכפאו ונדע לכם, למה לא תסור ידו מכם.
- 6,4 ויאמרו, מה האשם אשר נשיב לו, ויאמרו מספר סרני פלשתים, חמשה עפלי (טחרי) זהב וחמשה עכברי זהב: כי מגפה אחת לכלם, ולסרניכם.
- 6,5 ועשיתם צלמי עפליכם (טחריכם) וצלמי עכבריכם, המשחיתם את הארץ, ונתתם לאלהי ישראל, כבוד; אולי יקל את ידו מעליכם, ומעל אלהיכם, ומעל ארצכם.
- 6,6 ולמה תכבדו את לבבכם, כאשר כבדו מצרים ופרעה את לבם: הלא כאשר התעלל בהם, וישלחום וילכו.
- 6,7 ועתה, קחו ועשו עגלה חדשה אמת, ושתי פרות עלות, אשר לא עלה עליהם על; ואסרתם את הפרות בעגלה, והשיבתם בניהם מאחריהם הביתה.
- 6,8 ולקחתם את ארון יהוה, ונתתם אתו אל העגלה, ואת כלי הזהב אשר השבתם לו אשם, תשימו בארגז מצדו; ושלחתם אתו, והלך.
- 6,9 וראיתם, אם דרך גבול ועלה בית שמש--הוא עשה לנו, את הרעה הגדולה הזאת; ואם לא, נידענו כי לא ידו נגעה בנו--מקרה הוא, ביה לנו.
- 6,10 ויעשו האנשים, כן, ויקחו שתי פרות עלות, ויאסרום בעגלה; ואת בניהם, כלו בבית.
- 6,11 וישמו את ארון יהוה, אל העגלה; ואת הארגז, ואת עכברי הזהב, ואת צלמי טחריהם.
- 6,12 וישרנה הפרות בדרך, על דרך בית שמש, במסלה אחת הלכו הן, וגעו, ולא סרו ימין ושמאל; וסרני פלשתים הלכים אחריהם, עד גבול בית שמש.
- 6,13 ובית שמש, קצרים קציר חטים בעמק; וישאו את עיניהם, ויראו את הארון, וישמחו, לראות.
- 6,14 והעגלה באה אל שדה יהושע בית השמשי, ותעמד שם, ושם, אבן גדולה; ויבקעו, את עצי העגלה, ואת הפרות, העלו עלה ליהוה. {ס}
- 6,15 והלויים הורידו את ארון יהוה, ואת הארגז אשר אתו אשר בו כלי זהב, וישמו, אל האבן הגדולה; ואנשי בית שמש, העלו עלות וזבחו זבחים ביום ההוא--ליהוה.
- 6,16 וחמשה סרני פלשתים, באו; וישבו עקרון, ביום ההוא.
- 6,17 ואלה טחרי הזהב, אשר השיבו פלשתים {ר} אשם ליהוה: {ס} לאשדוד אהד {ס} לעזה {ר} אהד, {ס} לאשקלון אהד, {ס} לגת {ר} אהד, {ס} לעקרון אהד. {ס}
- 6,18 ועכברי {ר} הזהב, מספר כל ערי פלשתים לחמשת הסרנים--מעיר מבצר, ועד כפר הפנזי; ועד אבל הגדולה, אשר הניחו עליה את ארון יהוה, עד היום הזה, בשדה יהושע בית השמשי.
- 6,19 ויך באנשי בית שמש, כי באו בארון יהוה, ויך בעם שבועים איש, חמשים אלף איש; ויתאבלו העם, כי הכה יהוה בעם מכה גדולה.
- 6,20 ויאמרו, אנשי בית שמש, מי יוכל לעמד, לפני יהוה האלהים הקדוש הזה; ואל מי, יעלה מעלינו.
- 6,21 וישלחו, מלאכים, אל יושבי קת יערים, לאמר: השבו פלשתים, את ארון יהוה--רדו, העלו אתו אליכם.



Questions au Rav Dayan (tome 5)

Ces questions, vous vous les êtes posées un jour, ou vous vous les poserez dans l'avenir...

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions